

տակերտին յիւրակից անունն Արշակաւան. եւ շինեցին եւս անդ ապարանս արքունի: 19 Եւ յայնմ հետե ոչ ինչ երկնչէին ի Տեառնէ ամենեւին. եւ ամենայն մարդ զրկեալ էր իրաւքն այնոքիւք, եւ բազմաց կառաչ աղաղակի տրտնջելոյն յաճախեալ բազմանայր: 20 Կասն որոյ բազում անգամ ընդդիմանայր նմա եւ յանդիմաներ սուրբն Խաղ եպիսկոպոսն. մանաւանդ յորժամ ստիպէին զնա, թէ ե՛կ ուղղեա սեղան յեկեղեցւոջն յաւանն յԱրշակաւանն: 21 Իսկ նա բազում անգամ կշտամբեր եւ յանդիմաներ զթագաւորն Արշակ եւ զամենայն մեծամեծս եւ զիշխանս: 22 Բայց ես, ասէ, ետեղապահ եմ. եւ ոչ ինչ առանց այնորիկ, որ թողն զիս հայրն, ունիմ իշխանութիւն գործել ինչ: 23 Ապա կամեցեալ Արշակ թագաւորն պատուաւ եւ ազահուրթեամբ կարասոյն մեքենայիւ խաբել զսուրբ եպիսկոպոսն Խաղ, բազում ոսկի եւ բազում զանձս արծաթոյ, եւ բազում նժոյգս զարքունական ձիոյ՝ արքունի աւճառովք, ոսկիվարաւանդ ապրդմովն, տայր նմա. պատրել հաճել զմիտս Նորա, յինքն յանգուցանել: 24 Իսկ նա զկարասին, զոր առնոյր յարթայէն, յանդիման Նորա աղբատաց բաշխեր. եւ զյանդիմանութիւնն ոչ ինչ թուլացուցաներ, մինչեւ հրամանն տայր հալածել զեպիսկոպոսն Խաղ ի բանակէ անտի:

25 Իսկ նա ա՛ռ շրջել ընդ աշխարհն, կարգել եւ խրատել, ուսուցանել եւ դարմանել զաղբատսն, որպէս էր նմա յանձն արարեալ սրբոյն Ներսիսի, եւ իւր զնացեալ: 26 Բազում նշանք եւ արուեստք եւ զաւրութիւնք բժշկութիւնք հիւանդաց լինէին ի ձեռս Նորա. բազում յոյժ առնէր սքանչելիս մեծամեծս: 27 Բայց իբրեւ պաշտեր զաղբատսն, եւ սպառէր թափեր զամենայն յուրանս եւ զնորամանս եւ զմառանս զինւոյն, եւ զկարասս ամենայն մառանացն տայր բաշխել աղբատացն, երթայր յայլում աւուր տեսանէր լցեալ ինքնին իբրեւ ի հրամանէ Աստուծոյ. եւ դարձեալ աւր ըստ աւրէ մատակարարեր աղբատացն, եւ այնմ ստեպ ստեպ լցեալ լինէր:

28 Այսպիսի սքանչելիք մեծամեծք լինէին ի ձեռն առնս այսորիկ. էր սա զարմանալի անուանի եւ հոյակապ ի մէջ ամենայն Յայոց. շրջեր խրատեր եւ ուսուցանէր զեկեղեցիս Յայոց ընդ ամենայն տեղիս իբրեւ զիւր վարդապետն զՆերսես: 29 Բայց ի ժամանակեան միոջ եկին գողք, եւ գողացան զեզինս եկեղեցւոյն սրբոյ զԽաղայ եպիսկոպոսին, առին եւ զնացին: 30 Իսկ ի միում աւուր աչք կուրացեալ եղէն գողոցն, եւ ինքեանք յանիմաստս առ խարխափս եկին ածին ի դուրս սրբոյն Խաղայ զամենայն եզինս: 31 Իսկ ինքն սուրբն Խաղ ելեալ տեսանէր զնոսա, եւ զոհանայր զՏեառնէ՝ որ այնչափ վերակացու եւ այցելու եղէ հաւատացելոց իւրոց: 32 Կայր յաղաւթս եպիսկոպոսն Խաղ, եւ բժշկեր զաչս գողոցն. եւ հրաման տայր լուանալ զանձն Նոցա, եւ դէր ճաշ առաջի Նոցա, եւ քաջ ուրախ առնէր զնոսա մեծապէս: 33 Ապա արհներ զնոսա, եւ տայր Նոցա զեզինսն՝ զոր իւրեանցն էր գողացեալ, եւ արծակեր զնոսա զիւրեանց ճանապարհն, եւ զնացին: 34 Այսպէս